

Ministarstvo privrede

Na osnovu člana 30. stav (9) Zakona o šumama Kantona Sarajevo ("Službene novine Kantona Sarajevo", broj 5/13), ministar privrede Kantona Sarajevo donosi

PRAVILNIK**O NAČINU OBRAČUNA DIREKTNIH I INDIREKTNIH ŠTETA UZROKOVANIH ŠUMSKIM POŽARIMA**

Član 1.
(Predmet)

Ovim pravilnikom propisuju se način obračuna direktnih i indirektnih šteta uzrokovanih šumskim požarima.

Član 2.
(Definicije pojmova)

- (1) Direktna šteta uzrokovana šumskim požarima podrazumijevaju štete na šumskoj infrastrukturi, šumskom zemljištu, šumskim sastojinama, šumskim proizvodima, divljači kao i troškove gašenja i obezbjeđenja požarišta, troškove sanacije požarišta i njegove biološke obnove.
- (2) Divljač u smislu ovog pravilnika su određene vrste životinja koje slobodno žive u prirodi.
- (3) Indirektna šteta su gubici uzrokovani šumskim požarom koji se odražavaju na umanjeње ekoloških i socijalnih funkcija šuma.
- (4) Privremeno onesposobljeno zemljište odnosno oštećeno zemljište je zemljište koje se dodatnim ulaganjima može osposobiti za namjenu kojoj je služilo prije nastanka oštećenja.
- (5) Trajno onesposobljeno, odnosno uništeno šumsko zemljište je ono zemljište kojem je uništen gornji sloj sve do geološke podloge-matičnog supstrata.
- (6) Šumskim proizvodima u smislu ovog pravilnika smatraju se: šumski drvni sortimenti, šumske sadnice u šumskim rasadnicima i prirodnim biljevištima, šumsko drveće i njegovi dijelovi, grmlje, gljive, šumsko sjeme i plodovi, ljekovito i drugo bilje, mahovina, lišajevi, listinac, šumska stelja, humus, treset, flora, fauna i ostali šumski proizvodi.

Član 3.
(Komisija)

Obračun direktnih i indirektnih šteta uzrokovanih šumskim požarima vrši Stručna komisija koju imenuje ministar privrede Kantona Sarajevo (u daljem tekstu: Komisija).

Član 4.
(Osnovica)

- (1) Osnovica za obračunavanje visine naknade za šumsku štetu služi prodajna cijena šumskih proizvoda (u daljem tekstu: osnovica) iz prodajnog cjenovnika šumskih proizvoda i usluga Kantonalnog javnog preduzeća za gospodarenje državnim šumama "Sarajevo-šume" d.o.o Sarajevo.
- (2) Kod obračunavanja visine naknade pričinjene štete za šumske proizvode, kao osnovica za ovo obračunavanje uzima se njihova prodajna cijena na panju odnosno mjestu pričinjene štete.
- (3) Kao osnovica za obračun šteta na šumskoj infrastrukturi, stambenim i gospodarskim objektima uzima se njihova knjigovodstvena vrijednost.

Član 5.
(Obračunavanje štete u odnosu na površinu požarišta)

- (1) Ukoliko je šteta uzrokovana šumskim požarom na površini do 1 ara (100 m²) u obračun će se uzeti samo vrijednost oštećenih ili izgubljenih šumskih drvnih sortimenata ili drveća i šumske infrastrukture.

- (2) Ukoliko je šteta uzrokovana šumskim požarom nastala na površini većoj od 1 ara (100 m²) šteta se obračunava u skladu sa čl. 6., 7., 8., 9., 10., 11., 12. i 13. ovog pravilnika.

Član 6.
(Šumsko zemljište)

- (1) Za privremeno onesposobljeno šumsko zemljište iznos štete jednak je ukupnim troškovima materijalnih ulaganja i radova potrebnih da se navedeno zemljište dovede u prvobitno stanje, a utvrđena šteta ne smije biti veća od štete za trajno uništeno šumsko zemljište.
- (2) Stručnu ocjenu sa troškovima ulaganja i potrebnim radovima za osposobljavanje šumskog zemljišta uradit će Komisija.

Član 7.
(Procjena štete na šumama)

- (1) Vrijednost šumskih sastojina prije nastanka štete utvrđuje se zavisno o dobu i stadiju razvoja sastojine, te na osnovu podataka o šumskim proizvodima iz šumsko privredne osnove koji se odnose na opožarenu sastojinu.
- (2) Visina naknade štete za šumske proizvode obračunava se na osnovu odredbi Pravilnika o načinu utvrđivanja i nadoknadi štete pričinjene u šumama i na šumskom zemljištu ("Službene novine Kantona Sarajevo", broj 20/14).

Član 8.
(Šteta na divljači)

Šteta na divljači koja je nastala od požara na opožarenom šumskom zemljištu obračunava se u skladu sa Odštetnim cjenovnikom za naknadu štete na divljači u lovištu ("Službene novine Federacije BiH", broj 12/09).

Član 9.
(Pošumljavanje)

Ukoliko je potrebno izvršiti sanaciju požarišta i njegovu biološku obnovu Komisija će obuhvatiti i obračunati slijedeće troškove:

- a) priprema terena za pošumljavanje na opožarenoj površini,
- b) uspostavljanje šumskog reda na opožarenoj površini,
- c) nabavka šumskih sadnica i pošumljavanje opožarene površine,
- d) njega šumske kulture podignute na opožarenoj površini, najmanje u dva navrata,
- e) zaštita pošumljene površine za idućih pet godina.

Član 10.
(Obračun štete na šumskoj infrastrukturi)

Štete na šumskoj infrastrukturi, stambenim i gospodarskim objektima obračunavaju se na osnovu njihove knjigovodstvene vrijednosti.

Član 11.
(Troškovi gašenja požara)

U naknadu štete uračunavaju se i troškovi gašenja požara i čuvanja požarišta koji se zasnivaju na Izvještaju o šumskom požaru iz Pravilnika o sadržaju planova za zaštitu od požara ("Službene novine Kantona Sarajevo", broj 49/13).

Član 12.
(Indirektna šteta)

Po osnovu indirektnih šteta za umanjeње opće korisnih funkcija šume (ekoloških i socijalnih) uzrokovanih šumskim požarom ukupno obračunata šteta iz čl. 5., 6., 7. i 8. ovog pravilnika uvećava se za 300%.

Član 13.
(Obračun ukupne štete od požara)

Komisija će obračunati ukupnu štetu uzrokovanu šumskim požarima na način da obuhvati direktne i indirektno troškove iz čl. 5., 6., 7., 8., 9., 10., 11. i 12. ovog pravilnika.

Član 14.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-17093/14

24. jula 2014. godine
Sarajevo

Ministar

Mr. sci. **Emir Hrenovica**, s. r.

OPĆINA STARI GRAD SARAJEVO

Općinski načelnik

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i u skladu sa članom 22. Odluke o izvršenju budžeta Općine Stari Grad za 2013. godinu ("Službene novine Kantona Sarajevo", broj 2/14), Načelnik Općine Stari Grad Sarajevo donosi

ODLUKU

O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA OPĆINE STARI GRAD SARAJEVO ZA 2014. GODINU UKBV "JUMRUK GYM" NO LIMIT K-1 RULES

Član 1.

Za sufinansiranje K-1 manifestacije "No Limited" u Zenici 15. augusta 2014. godine u ukupnom iznosu od 3.000,00 KM (trihiljade KM).

Član 2.

Sredstva iz člana 1. ove Odluke odobravaju se na teret pozicije: Tekuća rezerva Budžeta Općine Stari Grad Sarajevo za 2014. godinu i to:

– iznos od 3.000,00 KM na teret tekuće rezerve Načelnika Općine Stari Grad.

Član 3.

Općinska Služba za finansije sredstva iz člana 1. ove Odluke će uplatiti po računu korisniku U/KBV "Jumruk Gym" No Limited K-1 Rules na transakcijski račun broj 3383202266832294.

Član 4.

Za realizaciju ove Odluke zadužuje se Služba za finansije.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-2-1339/14
21. jula 2014. godine
Sarajevo

Pomoćnik načelnika
Katica Senada, s. r.
Načelnik Općine
Mr. Ibrahim Hadžibajrić, s. r.

USTAVNI SUD FEDERACIJE BOSNE I HERCEGOVINE

Ustavni sud Federacije Bosne i Hercegovine, odlučujući o zahtjevu za zaštitu prava a lokalnu самоуправу начелника Општине Стари Град Сарајево, узвези са Колективним уговором за службенике органа управе и судске власти, на основу члана IV.Ц.10.(3) Устава Федерације Босне и Херцеговине, узвези са Амандманом ХСVI на Устав Федерације Босне и Херцеговине, након проведене расправе, на сједници одржаној дана 03.07.2014. године, донио је

ПРЕСУДУ

Утврђује се да је Кантон Сарајево Одлуком број: 02-012-61/98 од 25.6.1998. године, дајући претходну сагласност на усаглашени текст закљученог Колективног уговора за службенике органа управе и судске власти у Федерацији Босне и Херцеговине ("Службене новине Федерације БиХ", бр. 23/00, 50/00 и 97/13), који су 11.04.2000. године закључили Самостални синдикат државних службеника и намјештеника у Федерацији Босне и Херцеговине, као представник службеника органа управе и судске власти и Влада Федерације Босне и Херцеговине, повриједио право на локалну самоуправу Општине Стари Град Сарајево, ради чега Општина Стари Град Сарајево није у обавези примјењивати одредбе предметног Колективног уговора.

Пресуду објавити у "Службеним новинама Федерације БиХ" и "Службеним новинама Кантона Сарајево".

Образложење

1. Подносилац захтјева и предмет захтјева

Начелник Општине Стари Град у Сарајево (у даљем тексту: подносилац захтјева), поднио је Уставном суду Федерације Босне и Херцеговине (у даљем тексту: Уставни суд Федерације) дана 26.11.2013. године захтјев за заштиту права на локалну самоуправу, тврдећи да су Самостални синдикат службеника органа управе и судске власти у Федерацији Босне и Херцеговине, с једне стране и Влада Кантона Сарајево, као "послодавац" с друге стране, дана 11. априла 2000. године

закључили Колективни уговор за службенике органа управе и судске власти у Федерацији Босне и Херцеговине (у даљем тексту: оспорени Колективни уговор). Члановима 24., 29., 30., 31. и 32. оспореног Колективног уговора повријеђено је право на локалну самоуправу, јер су ускраћена права општина утврђена чл. 53. и 56. Закона о принципима локалне самоуправе у Федерацији Босне и Херцеговине ("Службене новине Федерације БиХ", бр. 49/06 и 51/09), као и права утврђена Европском повељом о локалној самоуправи, посебно наглашено у члану 4. став 6. ове повеље.

2. Битни наводи захтјева

У захтјеву се истиче, да је Влада Кантона Сарајево, поред још неких влада кантона у Федерацији Босне и Херцеговине, у 2000. години потписала оспорени Колективни уговор, односно донијела Одлуку, број: 02-012-61/98 од 25.06.2008. године, којом се даје сагласност Влади Федерације Босне и Херцеговине за закључење оспореног Колективног уговора, иако за то није имала овлашћење јединица локалне самоуправе.

Сходно Уставу Федерације Босне и Херцеговине, Европској повељи о локалној самоуправи, Уставу Кантона Сарајево, Закону о принципима локалне самоуправе у Федерацији Босне и Херцеговине, Статуту Општине Стари Град Сарајево, општина је морала бити консултована од стране Владе Кантона Сарајево, прије потписивања оспореног Колективног уговора и то због веома битних разлога. Наводи да је чланом 29. оспореног Колективног уговора прописано: "Поред накнада на плату утврђених законом, службенику припада накнада и за пријевоз на посао и с посла, исхрану у току рада (топли оброк) и регрес за годишњи одмор. Висину накнаде из става 1. овога члана утврђује руководилац органа управе и Синдикат".

Подносилац захтјева се пита да ли је Влада Кантона Сарајево руководилац органа управе Општине Стари Град Сарајево или општина и како Влада Кантона Сарајево, без сагласности општине, може учествовати у утврђивању "висине накнада из става 1. овога члана". Због тога, имајући у виду